

分類歷代尺牘選粹

民國九年四月印刷
民國九年四月發行



(分類歷代尺牘選粹)

精裝一冊 定價銀二元五角
並裝四冊 定價銀二元

始編者

杭縣姚漢章

續編者

江都周敦肅

發行者

中華書局

印刷者

中華書局

印刷所

中華書局

上海靜安寺路一九二號

總發行所 上海棋盤街

中華書局

分發行所

北京 天津 奉天 廣州 長沙 開封 溫州 長春
漢口 南昌 南京 杭州 濟南 保定 武昌 太原
常德 福州 成都 重慶 雲南 徐州 西安 汕頭
沙市 蘭州 衡州 貴陽 桂林 潮州 安慶 桂林
東昌 廈門 滬南 綏化 煙台 鄭州 梧州
石家莊 黑龍江 張家口 新加坡

中華書局

敘言




尺牘小道也。然文之有裨於實用者，莫如尺牘。達情愫，通款曲，陳事理，寓箴規，片語修辭，令人意解。古所謂翩翩書記，半簡必錄者，不以其杼柚乎尺素，抑揚乎寸心，所關爲匪淺鮮歟。雖然，自來尺牘之選輯，設例分類，往往隨意甄搜，求其精審粹美，而裨切於用者，殊未易覲。杭州姚作霖先生，所以有尺牘選粹之輯也。惜創稿未竟，奄忽殂化，何勝於邑。茲乃展繹遺編，理而董之。上自周秦，下逮明清，凡有關於酬酢問答之作，措辭必雅，託旨必雋，擷其精粹，分別要刪，得文二千八百餘篇，都二十八萬餘言。苦心擘畫，縷析條分，綱舉目張，不嫌繁瑣，綜其大較，分類十五，列目八十有四。復於每目分疏，子目二百餘則，可謂詳晰無間矣。夫人生處世，景與情會，情由景遷，感而遇之，會心不遠，必有妙緒，發爲雅言，以抒寫其蘊蓄。然景有流變，情無古今，人之所以致其情而寫其景者，夫亦猶是也耶。然則凡欲致其情而寫其景者，三復此

分類歷代尺牘選粹 敘言

二

編其裨於用也。不啻酌中衢之樽。各得其宜而不竭而已。上元庚申春日編者識



例言

一是編搜輯周秦漢魏兩晉南北朝隋唐宋元明清之別集總集中翰簡粹語。文不取博。語惟求精。定名選粹。以示標準。

一是編首分類。次分目。而每目中有子目。可分者復詳列之。期使古人之文章。便於今人之應用。

一書啟箋簡。名稱不一。究其指歸。不外達情述事。漢書陳遵傳有與人尺牘之語。故以尺牘二字括之。

一是編作者姓氏及原題。悉附綴於每篇之後。以便閱者稽攷。

一文字遷變。厥有由來。大抵周秦漢魏一派。六朝隋唐一派。宋元明清一派。質勝文勝。遞嬗相承。時世不同。文章亦異。是編按時代之先後。爲排列之次序。庶讀者可因尺牘而悟文字之源流。

一 通人名士。往往適興揮翰。或俚諺紛披。或長編雜沓。未免使名章俊語。因之減色。是編遇有可刪節處。則刪節之。不敢以擅削古人文字爲嫌。

一 是編採取之文。間有一文可隸數目者。爲便於實用。則亦分隸各目。悉心斟酌。非同繁複。閱者諒之。



分類歷代尺牘選粹

全編類目

問訊類

交際類

聚散類

哀樂類

(以上卷二)

出處類

游息類

褒貶類

(以上卷二)

正言類

達愔類

(以上卷三)

自叙類

經世類

文學類

文藝類

清譚類

雜錄類

(以上卷四)

分類歷代尺牘選粹 卷一

目錄

問訊類

訊候

酬答

思慕

近地
企見

遠道
不晤

乍別
聞聲

久離
感候

話舊

往事
游蹤

交際類

招請

招顧
招飲饌

招游

造訪

失晤

分類歷代尺牘選粹 卷一

期約

過從
臨眺
燕飲

游宴

餽贈

文具
服飾
財物
食品

請乞

詩文
財物
書畫

承諾

卻謝

游宴
雜類
餽贈

致謝

翰牘
食品
過臨
詩文
財物
書畫
文具

聚散類

迎餞

惜別

己別
人別

哀樂類

慶祝

得官
介壽
生子
賀節

慰藉

不遇
屈辱

遭讖
災難

罷黜

弔唁

悲悼

家族
戚友

感逝

僚屬
雜類

朋儕

自傷

老病
困厄



分類歷代尺牘選粹 卷一

問訊類

訊候

君白。四表清通。俊乂濯景。山無由皓。之隱。朝有二八之盛。斯誠明珠燿光之高會。鸞皇翻翥之良秋也。吾子懷英偉之才。而遇清升之祚。想已天飛奮翼。紫闥使親者有邇賴也。君白。

索靖月儀帖

嗣宗窮途。楊朱歧路。征蓬長逝。流水不歸。舒慘殊方。炎涼異節。木皮春厚。桂樹冬榮。想攝衛惟宜。動靜多豫。賢兄入關。敬承款曲。猶依杜陵之水。尚保池陽之田。鏹跡幽蹊。銷聲窮谷。何其愉樂。幸甚。幸甚。

王褒寄梁處士周弘讓書

方今白藏紹序。朱律謝期。天高而林野疎。候肅而江山靜。輕蟬送夏。驚晚吹於風園。旅鴈乘秋。動宵吟於露渚。絲續成於南畝。杭黍被於東阡。時計有儲。願履多福。

王勃爲人

分類歷代尺牘選粹 卷一

二

父與
老蜀城
書

一分襟袖。三變寒暄。雖思逸少之蘭亭。敢厭桓公之竹馬。況去思遺愛。遐布歌謠。酒興詩情。深留景物。庾樓吟望。謝墅遊娛。方知繼組之難。不止頒條之事。今者冰消雪薄。江麗山春。訪古跡於暨羅。探異書於禹穴。不知兩樂何者。爲先幸謝故人。勉自遵

攝。李商隱爲嚴易公
與浙東大夫啟

某啟。昨者太保還政王朝。榮歸故里。暫留齋舫。云止陋邦。竊省孤危。方嬰罪謫。逃虛易喜。蓋人迹之罕逢。道舊爲歡。矧平生之有素。特荷眷私之厚。不爲位貌之嚴。金玉之堅。弗渝於彌久。松筠之操。獨見於大寒。感慰所深。幽憂如釋。捨舟趨陸。去險騰夷。懷組鄉閭。雖暫伸於夙尚。追鋒疾置。將入副於精求。惟期善衛襟靈。以迎休寵。

嚴
修上

太致
政王
保啟

某啟。自曠清談。驟更良節。林木幽隱。園堵寂寥。了亡世紛。足以自得。其餘追復舊好。睇想清才。懸搖之心。狀貌難盡。猶聆蒞事明敏。越於時輩。萬舌一詞。所共稱賞。況在

顧盼之預寧不欣愉暑中萬希善保不宣

陸推官書與

自丁卯之秋辱高軒見過尋復別去由丁及癸倏焉七見秋風清秋月明矣樹雲梁月如懷仰何昨歲春初獲見少參令弟出示手墨備承惠教忻然如見顏面頃不嗣音又幾二載不審比來德履何似遠惟容臺清暇仕學兩優德業文章遠輩古人歐曾周楊將不得專美於前敬羨敬歎

章懋復羅整菴允升書

春事方新楚天日遠湖上主人生事如何孤艇白蘋明月萬里懷人寄思幸分一二

宗臣與沈二丈書

經春離索想彼此同懷比來雅抱何似齋頭著述足銷窮愁淵明酒豪而困於貧時復有王江州顏始安其人爲具資斧否

莫是龍與殷無美書

春雨雖佳憾斷我相知往還耳不審齋頭作何事也旦夕不晴當須一面案上置何書且願聞之

莫是龍與徐文卿書

別門下十五載不知頰頰然膚玉然腹匏然步蹢然躍然與鬢鬢夥然乎否也婚嫁

畢乎。五山蒼茫。何時命駕。

王禕登輿趙太史書

南鴻入北雲。不問足下溫寒。惟問太夫人持杖。擊仙郎力健。勝韓家母乎。陳嫂胡姬。烏雲鬢爲寧馨兒搔亂乎。足下詠桂枝小山乎。時弟手病。捉筆如杵。語難多及。許慎

孔願之書

園亭梅增幾樹。菊增幾本。紅葉黃柑。無恙乎。秋氣日佳。黃雞紫蟹肥矣。高臺明月。何人共之。亦憑欄望西南否。祝世祿與丁衆甫書

一別一年。來問玄都觀裏桃花。別後再開多少。人壽幾何。能無離恨。

王次公復劉華父書

酒徒得酒所矣。翁子守天台。舉天台之酒以醉一陳生。何求不得。但恐淵明重觴忘天。吾兄重觴忘故人耳。陳生醉後。亦能賦新句乎。幸以教我。台州儻寄天台竹杖。至吾便來觀赤城霞。鄭嘉與酒徒陳天亮書

懷想君子。比於饑渴。昨衝炎馳馬。雖得握手清詒。堂下時體方委頓。偃仰在牀。寸心未盡前路日斜矣。嗟乎。襄陽異昔。東武誰吟。坐語桑間。獨拜牀下。同風相遇。疑別有